



Broj: 05-19-289/23

Datum: 07.03.2023. godine

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14 i 59/22), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), člana 200. Zakona o upravnom postupku ("Službene novine Federacije BiH" br. 2/98 i 48/99), a na prijedlog Komisije za javnu nabavku roba, usluga i radova, Općinski načelnik d o n o s i

O D L U K U **o izboru najpovoljnijeg ponuđača**

I

Za najpovoljnijeg ponuđača za javnu nabavku usluga: „Snimanje geodetske podloge i izrada baze podataka za potrebe izrade Izmjena i dopuna Regulacionog plana „Rosulje“, po provedenom otvorenom postupku javne nabavke izabran je sljedeći ponuđač:

INVEST GROUP BH d.o.o. Sarajevo **sa ukupnom cijenom od 2.990,00 KM**

(slovima: dvijehiljadedevetstotinadevedeset konvertibilnihmaraka) bez uračunatog PDV-a

II

Za izvršenje ove Odluke zadužuje se Služba za urbanizam i prostorno planiranje Općine Vogošća.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Vogošća, Ul. Jošanička 80., 71320 Vogošća ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

IV

Odluka o izboru najpovoljnijeg ponuđača objavit će se na web stranici www.vogosca.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 05-19-289/23 od 13.02.2023. godine.

Procijenjena vrijednost javne nabavke bez uračunatog PDV-a je: 5.000,00 KM (slovima: pethiljada konvertibilnihmaraka).

Obavještenje o javnoj nabavci broj: 1353-1-2-16-3-49/23 od 14.02.2023. godine, poslano je na objavu na Portal javnih nabavki.

Komisija za javnu nabavku roba, usluga i radova imenovana je Rješenjem Općinskog načelnika broj: 02-04-364/23 od 28.02.2023. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda Komisije za javnu nabavku je vidljivo da su dana 06.03.2023. godine, pristigle ponude slijedećih ponuđača:

Redni broj	Naziv i sjedište ponuđača
1.	BNpro d.o.o. Sarajevo
2.	GRID d.o.o. Banja Luka
3.	INVEST GROUP BH d.o.o. Sarajevo
4.	ENCOS d.o.o. Sarajevo
5.	GEO NOVO d.o.o. Istočno Novo Sarajevo

Iz Zapisnika o pregledu i ocjeni ponuda Komisije za javnu nabavku roba, usluga i radova je vidljivo da se Komisija sastala dana 06.03.2023. godine u 16³⁰ sati, radi pregleda i ocjene prispjelih ponuda, te je konstatovala slijedeće:

a) Prihvatljive ponude

Ponude ponuđača: GRID d.o.o. Banja Luka, INVEST GROUP BH d.o.o. Sarajevo i GEO NOVO d.o.o. Istočno Novo Sarajevo su prihvatljive jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtjevane u tenderskoj dokumentaciji.

b) Nepravilne ponude i obrazloženje

➤ **BNpro d.o.o. Sarajevo**

Nepravilna je ponuda ponuđača BNpro d.o.o. Sarajevo jer je ponuđač na stranama 28-36 dostavio obične kopije Potvrda o uspješnoj realizaciji Ugovora sa Referenc liste, a ne originale ili ovjerene kopije kako je zahtijevano tačkom 7.4.2. tenderskog dokumenta kojime je propisao kako slijedi: „Ponuđač je dužan dostaviti originale ili ovjerene kopije dokumenata i potpisane i ovjerene izjave, u protivnom će se smatrati kao nepotpune.“

➤ **ENCOS d.o.o. Sarajevo**

Nepravilna je ponuda ponuđača ENCOS d.o.o. Sarajevo, jer je ponuđač na stranama: 7, 9, 13, 17, 21, 23, 25, 27, 31, 35, 39, 41, 45, 49, 51, 53, 55 i 59, nalaze ispravke hemijskom olovkom koja nisu potvrđene potpisom ponuđača, uz navođenje datuma ispravke, a kako je zahtijevano tačkom 8.1.14. tenderske dokumentacije, kojom je propisano kako slijedi: „Ispravke u ponudi moraju biti izrađene na način da su vidljive. Ispravke moraju biti potvrđene potpisom ponuđača, uz navođenje datuma ispravke.“

U skladu sa naprijed navedenim ponude ponuđača: BNpro d.o.o. Sarajevo i ENCOS d.o.o. Sarajevo, se kao takve nisu mogle uzeti u dalje razmatranje.

Kriterij za dodjelu ugovora je najniža cijena.

Rangiranje prihvatljivih ponuda prema kriteriju za izbor ponude:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1.	INVEST GROUP BH d.o.o. Sarajevo	2.990,00	/	2.990,00
2.	GRID d.o.o. Banja Luka	3.300,00	/	3.300,00

3.	GEO NOVO d.o.o. Istočno Novo Sarajevo	4.050,00	/	4.050,00
----	---------------------------------------	----------	---	----------

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača INVEST GROUP BH d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 2.990,00 KM (slovima: dvijehiljadedevetstotinadevedeset konvertibilnih maraka) bez uračunatog PDV-a, te da se ponuđaču INVEST GROUP BH d.o.o. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.

OPĆINSKI NAČELNIK


Migdad Hasanović



Izradila: Jasna Salihović



Kontrolisala: Melisa Kršo



DOSTAVITI:

- BNpro d.o.o. Sarajevo
- GRID d.o.o. Banja Luka
- INVEST GROUP BH d.o.o. Sarajevo
- ENCOS d.o.o. Sarajevo
- GEO NOVO d.o.o. Istočno Novo Sarajevo
- Nadležnoj Službi
- a/a